

Eanan- ja meahccedoalloministeriija ásahus

Deanu čázádaga guollebivddus, mii vuodduuvvá Norggain dahkkon soahpamuššii guolástanlobiin ja Deanu čázádaga guolástannjuolggadusaid 40 § 2 momeantta mieldásaš spiehkastatlobi ohcama mearreáiggi jagi 2026

Eanan- ja meahccedoalloministeriija mearrádusa mielde mearriduvvo Deanu čázádaga guollebivddus Norggain dahkkon soahpamuša láhkaásahansuorgái gullelaš mearrádusaid fápmuibidjamis ja guoskadeamis addojuvvon lága (176/2017) 3 § 5 momeantta, 8 § 4 momeantta, 10 § 6 momeantta ja 11 § 3 momeantta vuodul dakkárin go datleat lágas 207/2024:

1 §

Bivdolobiid haddemearrideapmi

Suoma ja Norgga gaskkas Deanu čázádaga guollebivddus dahkkon soahpamuša (SopS 42/2017 ja 42/2017) guolástannjuolggadusa 7 § 1 momeantta 5 čuoggás dárkkuhuvvon Suoma guolástanlohpeditomeari eará šlájaid guolástanlobiin berrojuvvo 20 euro guolástanjándormáksu.

Ovdalis 1 momeanttas spiehkastahkan vuollel 18-jahkásačča lotnun eará šlájaid guolástanlobis berrojuvvo 10 euro máksu.

Dasa lassin ovddabealde 1 ja 2 momeanttas spiehkastemiin lea vejolaš laktit guolástanlobiide nuvttá ovttá dahje eanet mánnálobiid, mii vuoigadahtta das namuhuvvon eará sajis go Deanu čázádagas fásta ássi vuollel 18-jahkásaš máná guolástit ovttain stákkuin ja vuokkain hávil. Mánnálohpi ii lohkkujuvvo guolástannjuolggadusa 8 § 2 momeantta mieldásaš lohpedihtoeriide.

2 §

Bivdolahpeboaduid čilgen ja boaduid luobaheapmi stáhtii

Lohpevuovdimis ovddasvástideaddji oassebealli ferte addit čilgehusa ja luobahit iežas vuovdin ja su lohku vuvdojuvvon bivdolobiin čoggon ruđaid sihke dain čoggon reanttu eanan- ja meahccedoalloministeriijai guovtti earis, vuosttaš ruhtageavahanáigodagas mañemusat 15 beaivvi siste ja nuppi ruhtageavahanáigodagas 30 beaivvi siste čilgehusa addin- ja luobahanáigodaga mañnel. Vuosttas čilgehusa addin- ja luobahanáigodat guoská geassemánu 30 beaivvi rádjái dáhpuhuvvan mávssuid ja máhcahemiid sihke nubbi mávssuid ja máhcahemiid suoidnemánu 1 beaivvi ja borgemánu 30 beaivvi gaskkas.

3 §

Bivdolahpeboaduid geavahanákkat

Guolástanbajis 2026 guolástanlobiin čoggon ruđat juhkkujuvvojit guolástanrievtti oamasteaddjiide nu ahte doahhtaluvvojit gomihuvvon Deanu guolástansoahpamuša (SopS 94/1989) gustojeaddji geavat ja juohkinprinsihpat ruhtaváriid juohkimis. Juohkinprinsihpat mearriduvvojit jahkái 2026 dađi lági mielde, ahte lohpeboadut juhkkujuvvojit stáhta ja priváhta čáhceguovllu oamasteaddjiid gaskka guolástanavádagaid mielde guolástanjándoriid meari ja

gáddesárgá guhkkodaga vuodul ja dán maŋjel priváhta čáhceguovlluid oamasteaddjiide máhcahanvuloš lohpeboadut juhkkovuvvojit guolástanavádagaid mielde guolástanjándoriid meari vuodul.

Stáhtii gullevaš oassi jagi 2026 guolástanlohpeboaduin geavahuvvo lohpevuovdingoluid sihke stáhtii mielddisbuktin guolásteami bearráigeahččogoluid sihke dutkan- ja čuovvungoluid gokčamii.

4 §

Spiehkastatlobi ohcama mearredigi

Ohcamuš guolástannjuolggadusa 40 § 2 momeanttas dárkkuhuvvon spiehkastatlobis oahpahanguolásteami ja kulturdáhpáhusaid várás galgá guddojuvvot Lappi eallinfápmoguovddázii maŋemusat geassemánu 5. beaivvi rádjái.

5 §

Fápmuiboahhtin

Dát ásašus boahhtá fápmui miessemánu 11 beaivvi 2026 ja lea fámus juovlamánu 31 beaivvi 2026 rádjái.

Helssegis 8.5.2026

Eanan- ja meahccedoalloministtar Sari Essayah

Ráddádalli virgeolmmoš Tapio Hakaste